



Broj: 01/1-50-1-1-17/12
Sarajevo, 14. 2. 2012.

PRIJEDLOG

KOLEGIJU PREDSTAVNIČKOG DOMA
PARLAMENTARNE SKUPŠTINE BiH

Na osnovu člana 41. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07 i 87/09), Ustavnopravna komisija Parlamentarne skupštine Bosne i Hercegovine je na 17. sjednici, održanoj 14. 2. 2012., usvojila sljedeći

ORIJENTACIONI PLAN RAD USTAVNOPRAVNE KOMISIJE
PREDSTAVNIČKOG DOMA ZA 2012. GODINU

Ustavnopravna komisija, u okviru svojih nadležnosti propisanih članom 41. Poslovnika Predstavničkog doma, prati provođenje Ustava BiH; razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH; ispituje i dostavlja Domu mišljenja o prijedlozima amandmana na Ustav BiH; provodi javnu raspravu o prijedlozima amandmana na Ustav BiH ili prijedloge zakona, te obavještava Dom o rezultatima javne rasprave; razmatra prijedloge zakona koje Dom treba da usvoji, u vezi s njihovom usklađenošću sa Ustavom BiH i pravnim sistemom, kao i u vezi s pravnom obradom te Domu podnosi izvještaj s mišljenjem i prijedlozima, i pravno-tehničkim ispravkama očiglednih grešaka u tekstu; razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba da usvoji; dostavlja mišljenja Ustavnom sudu

BiH; učestvuje u pripremi programa rada iz oblasti zakonodavne aktivnosti Doma; utvrđuje, zajedno s odgovarajućom komisijom Doma naroda, prečišćeni tekst zakona i drugih propisa kada i ako ih za to ovlaste oba doma; razmatra prijedloge za oduzimanje imuniteta i u vezi s tim predlaže odgovarajuće odluke Domu.

Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu Bosne i Hercegovine, pečat Bosne i Hercegovine; državnu administraciju; provođenje međunarodnih i domaćih krivičnih zakona; te druga pitanja iz nadležnosti Doma koja nisu u nadležnosti drugih komisija.

U skladu sa svojim nadležnostima, Ustavnopravna komisija Predstavničkog doma je u 2012. godini planira razmatranje prijedloga zakona i drugih akata te druge aktivnosti kako slijedi:

Prijedlozi zakona koji se planiraju razmatrati u zakonodavnoj proceduri u 2012. godini

| <i>Prijedlog zakona</i> | <i>Predlagač</i> | <i>Planirana aktivnost za</i> | <i>Kratko obrazloženje predloženog zakona</i> |
|---|--|-------------------------------|--|
| 1. Prijedlog zakona o izmjenama i dopunama Zakona o finansiranju institucija Bosne i Hercegovine | <i>Vijeće ministara BiH Ministarstvo finansija i trezora</i> | <i>Januar</i> | Prijedlog zakona priprema se u skladu s preporukama Evropske komisije i Strategijom za provođenje interne finansijske kontrole u institucijama BiH, s ciljem uspostavljanja savremenog sistema finansijskog upravljanja i kontrole, funkcionalno nezavisne interne revizije i uspostavljanja Centralne harmonizacijske jedinice. |
| 2. Prijedlog zakona o izmjenama Zakona o unutarnjoj reviziji institucija Bosne i Hercegovine | <i>Vijeće ministara BiH Ministarstvo finansija i trezora</i> | <i>Januar</i> | Prijedlog zakona priprema se zbog osiguranja sveobuhvatnog zakonskog osnova za racionalno reguliranje uspostavljanja interne revizije u institucijama BiH koji će osigurati da se uspostavi efikasan i odgovoran sistem interne revizije. |
| 3. Prijedlog zakona o carinskoj tarifi | <i>Vijeće ministara BiH Ministarstvo finansija i trezora</i> | <i>Februar</i> | Prijedlog zakona priprema se zbog usklađivanja propisa BiH s evropskim propisima. |
| 4. Prijedlog zakona o dopunama Zakona o finansiranju institucija Bosne i Hercegovine | <i>Zajednička komisija za administrativne poslove PSBiH</i> | <i>Februar</i> | Prijedlog zakona pripremljen je s ciljem povećanja samostalnosti Parlamentarne skupštine BiH i zaštite od uticaja izvršne vlasti. |

| | | | | |
|-----|---|--|----------------|---|
| 5. | Prijedlog zakona o dopunama Zakona o plaćama i naknadama u institucijama Bosne i Hercegovine | <i>Zajednička komisija za administrativne poslove PSBiH</i> | <i>Februar</i> | Prijedlog zakona pripremljen je u skladu sa zaključkom 4. sjednice Kolegija Predstavničkog doma Parlamentarne skupštine BiH, održane 17. 6. 2011. |
| 6. | Prijedlog zakona o lustraciji | <i>Vijeće ministara BiH Ministarstvo pravde</i> | <i>Februar</i> | Prijedlog zakona priprema se na osnovu zaključka sa 73. sjednice Predstavničkog doma Parlamentarne skupštine BiH, održane 23.3.2010. |
| 7. | Prijedlog zakona o izmjenama i dopunama Zakona o plaćama i naknadama u institucijama Bosne i Hercegovine | <i>Vijeće ministara BiH Ministarstvo finansija i trezora</i> | <i>Februar</i> | Prijedlog zakona priprema se na osnovu obaveze iz Odluke Ustavnog suda BiH broj: U-12/09 kojom je ukinut član 35. Zakona te potrebe da se pojedine odredbe Zakona usklade s odredbama drugih zakona. |
| 8. | Prijedlog zakona o mjeriteljstvu Bosne i Hercegovine | <i>Vijeće ministara BiH Institut za mjeriteljstvo BiH</i> | <i>Februar</i> | Prijedlog zakona priprema se u skladu s obavezama proisteklim iz SSP da se preduzmu potrebne mjere da BiH postigne usaglašenost sa tehničkom regulativom EU u oblasti standardizacije, mjeriteljstva, akreditacije i u BiH učešće u radu međunarodnih organizacija. |
| 9. | Prijedlog zakona o javnim nabavkama | <i>Vijeće ministara BiH Agencija za javne nabavke</i> | <i>Februar</i> | Prijedlog zakona priprema se zbog usaglašavanja s direktivama Evropske unije. |
| 10. | Prijedlog zakona o protuminskom djelovanju | <i>Vijeće ministara BiH Ministarstvo civilnih poslova</i> | <i>Februar</i> | Prijedlog zakona priprema se zbog osiguranja osnovnih uslova za efikasno i potpuno izvršenje obaveza u BiH na redukciji i uklanjanju opasnosti od mina u skladu s Konvencijom iz Otave i strategijom protuminskog djelovanja 2009. - 2019. Zakon će značajno unaprijediti strateško upravljanje, finansiranje, organizacionu strukturu i osiguranje kvaliteta humanitarnog deminiranja u BiH. |
| 11. | Prijedlog zakona o izmjenama i dopunama Zakona o reviziji institucija Bosne i Hercegovine | <i>Poslanica Ismeta Dervoz PSBiH</i> | <i>Februar</i> | Predložene izmjene i dopune Zakona zasnivaju se na stvarnim potrebama proizašlim iz praktične primjene Zakona o reviziji institucija Bosne i Hercegovine. |

| | | | | |
|-----|---|---|----------------|---|
| 12. | Prijedlog zakona o prestanku važenja Zakona o Sudu Bosne i Hercegovine | <i>Poslanici Drago Kalabić i Darko Babalj PSBiH</i> | <i>Februar</i> | U obrazloženju Prijedloga zakona predlagači ističu da Ustav BiH kao Aneks 4. Dejtonskog sporazuma ne predviđa pravosudne institucije na nivou BiH osim Ustavnog suda BiH. |
| 13. | Prijedlog zakona o prestanku važenja Zakona o Tužilaštvu Bosne i Hercegovine | <i>Poslanici Drago Kalabić i Darko Babalj PSBiH</i> | <i>Februar</i> | U obrazloženju Prijedloga zakona predlagači ističu stav da Ustav BiH kao Aneks 4. Dejtonskog sporazuma ne predviđa pravosudne institucije na nivou BiH osim Ustavnog suda BiH. |
| 14. | Prijedlog zakona o izmjenama i dopunama Zakona o državnoj službi u institucijama Bosne i Hercegovine | <i>Vijeće ministara BiH Ministarstvo pravde</i> | <i>Mart</i> | Prijedlog zakona pripremljen je zbog praktične primjene Zakona o državnoj službi u institucijama Bosne i Hercegovine. Prijedlog zakona je u amandmanskoj fazi pred Ustavno-pravnom komisijom koja je produžena zaključkom Predstavničkog doma. |
| 15. | Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga | <i>Vijeće ministara BiH Ministarstvo sigurnosti</i> | <i>Mart</i> | Prijedlog zakona priprema se s ciljem poboljšanja zakonskih rješenja koja će omogućiti veću efikasnost i primjenjivost u svim oblastima na koje se odnosi Zakon o sprečavanju i suzbijanju zloupotrebe opojnih droga. |
| 16. | Prijedlog zakona o sistemu državne pomoći u Bosni i Hercegovini | <i>Vijeće ministara BiH Ministarstvo finansija i trezora</i> | <i>Mart</i> | Prijedlog zakona priprema se u skladu s obavezom iz člana 71. Sporazuma o stabilizaciji pridruživanju, odnosno u vezi s provođenjem čl. 36. Privremenog sporazuma o trgovini i trgovinskim pitanjima između EU i BiH, te člana 21. Sporazuma CEFTA 2006, kao i člana 18. Sporazuma o osnivanju energetske zajednice jugoistočne Evrope. |
| 17. | Prijedlog zakona o izmjenama Zakona o uplatama na jedinstveni račun | <i>Vijeće ministara BiH Uprava za indirektno oporezivanje</i> | <i>Mart</i> | Prijedlog zakona priprema se zbog potrebe izmjena odredbe člana 25. Zakona o uplatama na jedinstveni račun s ciljem usklađivanja roka izvještavanja s rokovima knjiženja potraživanja i obaveza. |
| 18. | Prijedlog zakona o putnim ispravama BiH | <i>Vijeće ministara BiH Ministarstvo civilnih poslova</i> | <i>Mart</i> | Prijedlog zakona priprema se zbog uvođenja biometrijskih putnih isprava. Ovim zakonom treba da se izvrše određene izmjene i usklađivanja s odredbama drugih zakona. |

| | | | | |
|-----|---|--|--------------|---|
| 19. | Prijedlog zakona o izmjenama i dopunama Zakona o jedinstvenom matičnom broju Bosne i Hercegovine | <i>Vijeće ministara BiH Ministarstvo civilnih poslova</i> | <i>Mart</i> | Prijedlog zakona priprema se zbog obaveza provođenja Odluke Ustavnog suda BiH (nazive u Zakonu uskladiti s nazivima propisanim Zakonom o teritorijalnoj organizaciji Republike Srpske (“Službeni glasnik RS”, broj 69/09). |
| 20. | Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine | <i>Vijeće ministara BiH Ministarstvo za ljudska prava i izbjeglice</i> | <i>Mart</i> | Prijedlog zakona priprema se na osnovu Strategije o reintegraciji povratnika, u skladu sa sporazumom o readmisiji i potrebe da se definira nadležnost Ministarstva za ljudska prava i izbjeglice BiH u vezi s prihvatom i zbrinjavanjem državljana BiH koji se vraćaju u Bosnu i Hercegovinu na osnovu Sporazuma o readmisiji. |
| 21. | Prijedlog zakona o izmjenama i dopunama Zakona o kretanju i boravku stranaca i azilu | <i>Vijeće ministara BiH Ministarstvo sigurnosti</i> | <i>Mart</i> | Prijedlog zakona priprema zbog usklađivanja s <i>acquisom communautaire</i> , tj. zajedničkom pravnim naslijeđem Evropske unije. |
| 22. | Prijedlog zakona o obligacionim odnosima u civilnom zrakoplovstvu | <i>Vijeće ministara BiH Ministarstvo komunikacija i transporta</i> | <i>Mart</i> | Prijedlog zakona priprema se zbog uređenja pravnih poslova u oblasti civilnog zrakoplovstva, između aviokompanija i korisnika usluga tih kompanija. Pored navedenog, ovaj zakon sadrži odredbe o primjeni međunarodnih propisa koji se odnose na osiguranje zrakoplova, uskraćeno ukrcavanje, dugo odgađanje leta, izgubljeni prtljagu itd. |
| 23. | Prijedlog zakona o izmjenama i dopunama Zakona o administrativnim taksama | <i>Vijeće ministara BiH Ministarstvo finansija i trezora</i> | <i>April</i> | Prijedlog zakona priprema se zbog noveliranja postojećeg zakona u vezi s donošenjem odluka Vijeća ministara BiH o visini iznosa takse uz prethodno mišljenje MFIT BiH; reguliranje postupka prinudne naplate takse; izmjene i dopune postojeće tarife administrativne takse; određivanje UIO za prinudnu naplatu takse. |
| 24. | Prijedlog zakona o izmjenama i dopunama Zakona o državljanstvu Bosne i Hercegovine | <i>Vijeće ministara BiH Ministarstvo civilnih poslova</i> | <i>April</i> | Prijedlog zakona priprema se zbog provođenja Odluke Ustavnog suda BiH (brisanje čl. 17. i 39. Zakona) i radi drugih potrebnih izmjena i dopuna (produžetak revizije, usklađivanje s međunarodnim konvencijama itd.). |

| | | | | |
|-----|--|---|-------------|---|
| 25. | Prijedlog zakona o ovjeravanju potpisa, rukopisa i prijepisa | <i>Vijeće ministara BiH Ministarstvo pravde</i> | <i>Maj</i> | Prijedlog zakona priprema se zbog usklađivanja propisa i izvršenja obaveza koje proizlaze iz Evropskog partnerstva i privremenog sporazuma i usklađivanja s pozitivnom praksom. |
| 26. | Prijedlog zakona o volontiranju | <i>Vijeće ministara BiH Ministarstvo pravde</i> | <i>Juni</i> | Prijedlog zakona priprema se zbog potrebe reguliranja oblasti volontiranja i volonterskog rada. |
| 27. | Prijedlog zakona o oduzimanju i raspolaganju imovinom pribavljenom krivičnim djelom | <i>Vijeće ministara BiH Ministarstvo pravde</i> | <i>Juni</i> | Prijedlog zakona priprema se zbog izvršenja preostale obaveze iz Mape puta za liberalizaciju viznog režima za građane BiH u vezi sa UN Konvencijom protiv transnacionalnog organiziranog kriminala i pratećih protokola, kao i određene konvencije Vijeća Evrope za borbu protiv organiziranog kriminala. |
| 28. | Prijedlog prečišćenog teksta Zakona o državnoj službi u institucijama Bosne i Hercegovine | <i>Vijeće ministara BiH Ministarstvo pravde</i> | <i>Juni</i> | Prijedlog prečišćenog teksta zakona priprema se na osnovu odredbe Zakona kojom je propisano da se ovlašćuje Ustavnopravna komisija Predstavničkog doma i Ustavnopravna komisija Doma naroda Parlamentarne skupštine BiH da utvrde prečišćeni tekst Zakona. |
| 29. | Prijedlog prečišćenog teksta Krivičnog zakona Bosne i Hercegovine | <i>Vijeće ministara BiH Ministarstvo pravde</i> | <i>Juni</i> | Prijedlog prečišćenog teksta zakona priprema se na osnovu odredbe KZ BiH kojom je propisano da se ovlašćuje Ustavnopravna komisija Predstavničkog doma i Ustavnopravna komisija Doma naroda Parlamentarne skupštine BiH da utvrde prečišćeni tekst Zakona. |
| 30. | Prijedlog prečišćenog teksta Zakona o krivičnom postupku Bosne i Hercegovine | <i>Vijeće ministara BiH Ministarstvo pravde</i> | <i>Juni</i> | Prijedlog prečišćenog teksta zakona priprema se na osnovu odredbe ZKP-a BiH kojom je propisano da se ovlašćuje Ustavnopravna komisija Predstavničkog doma i Ustavnopravna komisija Doma naroda Parlamentarne skupštine BiH da utvrde prečišćeni tekst Zakona. |
| 31. | Prijedlog zakona o obligacionim odnosima | <i>Vijeće ministara BiH Ministarstvo pravde</i> | <i>Juni</i> | Prijedlog zakona priprema se u skladu s potrebom da se usvoji zakonodavstvo o obligacionim odnosima na nivou države. |

| | | | | |
|-----|---|---|-------------|---|
| 32. | Prijedlog zakona o izmjeni i dopuni Zakona o zaštiti potrošača u BiH | <i>Vijeće ministara BiH Institucija ombudsmana za zaštitu potrošača u BiH</i> | <i>Juni</i> | Prijedlog zakona priprema se zbog potrebnih poboljšanja Zakona o zaštiti potrošača i prevazilaženja uočenih nedostataka u provođenju postojećeg Zakona. |
| 33. | Prijedlog zakona o izmjenama i dopunama Zakona o zaštiti novih sorti poljoprivrednog bilja u BiH | <i>Vijeće ministara BiH Uprava BiH za zaštitu zdravlja bilja</i> | <i>Juni</i> | Prijedlog zakona priprema se kako bi se izvršile određene izmjene postojećih zakonskih rješenja. |
| 34. | Prijedlog zakona o prevenciji i borbi protiv terorizma u BiH | <i>Vijeće ministara BiH Ministarstvo sigurnosti</i> | <i>Juni</i> | Prijedlog zakona priprema se kako bi se unaprijedila oblast borbe protiv terorizma u BiH, posebno u segmentu prevencije. |
| 35. | Prijedlog zakona o javnim putevama BiH | <i>Vijeće ministara BiH Ministarstvo komunikacija i transporta</i> | <i>Juni</i> | Prijedlog zakona priprema se kako bi se uredio pravni status javnih puteva i nerazvrstanih puteva, način njihovog korištenja, razvrstavanje javnih puteva, planiranje građenja i održavanja javnih puteva, upravljanje javnim putevama, mjere za zaštitu javnih i nerazvrstanih puteva i saobraćaja na njima, koncesije, finansiranje i nadzor javnih puteva u skladu s direktivama EU. |
| 36. | Prijedlog zakona o Apelacionom sudu BiH | <i>Vijeće ministara BiH Ministarstvo pravde</i> | <i>Juli</i> | Prijedlog zakona priprema se u skladu sa Izvještajem i inicijativom Radne grupe koju je imenovao ministar pravde Rješenjem broj:o5-34-14-13332-1/07. |
| 37. | Prijedlog zakona o carinskoj politici Bosne i Hercegovine | <i>Vijeće ministara BiH Uprava za indirektno oporezivanje</i> | <i>Juli</i> | Prijedlog zakona priprema se u skladu s obavezom usaglašavanja propisa sa <i>acquis-em</i> EU, i važećom Carinskim zakonom Evropske unije. |

| | | | | |
|-----|---|---|------------------|--|
| 38. | Prijedlog zakona o izmjenama i dopunama Zakona o sudskim taksama pred Sudom BiH | <i>Vijeće ministara BiH Ministarstvo finansija i trezora</i> | <i>Juli</i> | Prijedlog zakona priprema se zbog potrebe noveliranja postojećeg zakona i dopune odredbi zakona s ovlaštenjem donošenja Pravilnika o štampanju i distribuciji sudskih taksenih markica od strane MFiT BiH; izmjene i dopune postojeće tarife sudskih taksa; reguliranje prinudne naplate sudske takse. |
| 39. | Prijedlog zakona o tehničkim zahtjevima za proizvode i ocjenjivanju usklađenosti | <i>Vijeće ministara BiH Ministarstvo vanjske trgovine i ekonomskih odnosa</i> | <i>Juli</i> | Prijedlog zakona priprema se zbog unapređenja trgovine proizvodima i jačanja infrastrukture kvaliteta u Bosni i Hercegovini u skladu s odlukom broj 768/2008/EZ Evropskog parlamenta i savjeta o zajedničkom okviru za trgovanje proizvodima. |
| 40. | Prijedlog okvirnog zakona o javnom stambenom fondu BiH | <i>Vijeće ministara BiH Ministarstvo za ljudska prava i izbjeglice</i> | <i>Juli</i> | Prijedlog zakona priprema se zbog sprečavanja privatizacije i nenamjenskog korištenja stambenih jedinica koje su finansirane iz državnog budžeta i potrebe za izradom pravnog okvira kojim će se regulirati oblast vezana za javni stambeni fond finansiran iz državnog budžeta. |
| 41. | Prijedlog zakona o izmjenama i dopunama Zakona o Agenciji za rad i zapošljavanje Bosne i Hercegovine | <i>Vijeće ministara BiH Agencija za rad i zapošljavanje BiH</i> | <i>Septembar</i> | Prijedlog zakona priprema se zbog neophodnih izmjena člana 10. i 13. Zakona o Agenciji za rad i zapošljavanje Bosne i Hercegovine („Službeni glasnik BiH“, br. 21/03 i 43/09). |
| 42. | Prijedlog zakona o izbjeglicama iz BiH i raseljenim osobama u BiH | <i>Vijeće ministara BiH Ministarstvo za ljudska prava i izbjeglice</i> | <i>Septembar</i> | Prijedlog zakona priprema se zbog omogućavanja ravnopravnog pristupa svim pravima izbjeglica i raseljenih lica u skladu s Revidiranom strategijom Bosne i Hercegovine za provođenje Aneksa VII. Dejtonskog mirovnog sporazuma. |
| 43. | Prijedlog zakona o pravima žrtava torture i civilnim žrtvama rata u BiH | <i>Vijeće ministara BiH Ministarstvo za ljudska prava i izbjeglice</i> | <i>Septembar</i> | Prijedlog zakona priprema se na inicijativu Parlamentarne skupštine BiH na osnovu preporuka UN komiteta za torture, nehumanih i degradirajućih tretmana ili kažnjavanja. |

| | | | | |
|-----|--|--|------------------|--|
| 44. | Prijedlog zakona o izmjenama i dopunama Zakona o policijskim službenicima u BiH | <i>Vijeće ministara BiH Ministarstvo sigurnosti</i> | <i>Septembar</i> | Prijedlog zakona priprema se zbog potrebe izmjena i dopuna Zakona o policijskim službenicima u BiH. |
| 45. | Prijedlog zakona o međunarodnoj i međuentitetskoj unutrašnjoj plovidbi BiH | <i>Vijeće ministara BiH Ministarstvo komunikacija i transporta</i> | <i>Septembar</i> | Prijedlog zakona priprema se u skladu sa direktivama EU i Sporazumom o stabilizaciji i pridruživanju između EU i BiH (juni 2008. godine, Luxemburg) u pogledu razvoja multimodalnog i riječnog saobraćaja. Novi zakon je neophodan i zbog odluka Svjetske komisije te međudržavnih sporazuma s Hrvatskom i Srbijom. |
| 46. | Prijedlog zakona o izmjenama i dopunama Krivičnog zakona Bosne i Hercegovine | <i>Vijeće ministara BiH Ministarstvo pravde</i> | <i>Oktobar</i> | Prijedlog zakona priprema se zbog usklađivanja zakona s praksom EU. |
| 47. | Prijedlog zakona o izmjenama i dopunama Zakona o krivičnom postupku Bosne i Hercegovine | <i>Vijeće ministara BiH Ministarstvo pravde</i> | <i>Oktobar</i> | Prijedlog zakona priprema se zbog usklađivanja zakona s praksom EU. |
| 48. | Prijedlog zakona o udruženjima Bosne i Hercegovine | <i>Vijeće ministara BiH Ministarstvo pravde</i> | <i>Oktobar</i> | Prijedlog zakona priprema se zbog usklađivanja zakona s praksom EU. |
| 49. | Prijedlog zakona o humanitarnim organizacijama u Bosni Hercegovini | <i>Vijeće ministara BiH Ministarstvo pravde</i> | <i>Oktobar</i> | Prijedlog zakona priprema se zbog regulisanja rada humanitarnih organizacija u Bosni i Hercegovini. |
| 50. | Prijedlog zakona o popisu poljoprivrede i ruralnog razvoja u Bosni i Hercegovini | <i>Vijeće ministara BiH Agencija za statistiku BiH</i> | <i>Oktobar</i> | Prijedlog zakona priprema Agencija za statistiku BiH zbog usklađivanja s praksom EU. |
| 51. | Prijedlog zakona o izmjenama i dopunama Zakona o odbrani BiH | <i>Vijeće ministara BiH Ministarstvo odbrane</i> | <i>Oktobar</i> | Prijedlog zakona priprema se zbog reguliranja vojnoobavještajnih poslova i usklađivanja s nadležnostima u obavljanju poslova OSABiH. |

| | | | | |
|-----|--|--|-----------------|--|
| 52. | Prijedlog zakona o izmjenama i dopunama Zakona o službi u Oružanim snagama BiH | <i>Vijeće ministara BiH Ministarstvo odbrane</i> | <i>Oktobar</i> | Prijedlog zakona priprema se zbog izmjena i dopuna koje se odnose na obavljanje vojnoobavještajnih poslova u Oružanim snagama BiH i donošenje propisa o stanju u toku službe za PVL |
| 53. | Prijedlog zakona o carinskim prekršajima | <i>Vijeće ministara BiH Uprava za indirektno oporezivanje</i> | <i>Oktobar</i> | Prijedlog zakona priprema se zbog usklađivanja Zakona s prekršajnim zakonodavstvom u Bosni i Hercegovini. |
| 54. | Prijedlog zakona o budžetu institucija Bosne i Hercegovine i međunarodnih obaveza Bosne i Hercegovine za 2013. godinu | <i>Vijeće ministara BiH Ministarstvo finansija i trezora</i> | <i>Oktobar</i> | Prijedlog zakona budžetu institucija Bosne i Hercegovine i međunarodnih obaveza Bosne i Hercegovine za 2013. godinu priprema se u skladu sa Ustavom BiH. |
| 55. | Prijedlog zakona o pomorskom dobru i pomorskoj plovidbi BiH | <i>Vijeće ministara BiH Ministarstvo komunikacija i transporta</i> | <i>Oktobar</i> | Razlozi za donošenje ovog propisa je nepostojanje zakona o pomorskom dobru i pomorskoj plovidbi BiH, neophodnost usklađivanja propisa sa zakonodavstvom EU, te usklađenost s Konvencijom Ujedinjenih naroda o pravu mora. Bosna i Hercegovina obavezala se na djelotvornu primjenu principa neograničenog pristupa međunarodnim tržištima i trgovini na komercijalnoj osnovi, kao i na poštivanje međunarodnih i evropskih obaveza u oblasti standarda sigurnosti i zaštite okoliša. |
| 56. | Prijedlog zakona o izmjenama i dopunama zakona o željeznicama BiH | <i>Vijeće ministara BiH Ministarstvo komunikacija i transporta</i> | <i>Oktobar</i> | Prijedlog zakona priprema se u skladu s inicijativom entitetskih željezničkih kompanija i BHŽJK i planom provođenja Memoranduma o razumijevanju o razvoju osnovne regionalne transportne mreže u jugoistočnoj Evropi u oblasti željezničkog transporta i potrebe uspostavljanja nezavisnog tijela za ispitivanje nesreća i nezgoda te reguliranja održavanja željezničkih vozila, uslova i procedura certificiranja mašinovođa u skladu s direktivama EU. |
| 57. | Prijedlog zakona o fondacijama Bosne i Hercegovine | <i>Vijeće ministara BiH Ministarstvo pravde</i> | <i>Novembar</i> | Prijedlog zakona priprema se zbog usklađivanja zakona s pozitivnom praksom i legislativom EU. |

| | | | | |
|-----|---|--|-----------------|---|
| 58. | Prijedlog zakona o izmjenama i dopunama Zakona o porezu na dodatu vrijednost | <i>Vijeće ministara BiH Uprava za indirektno oporezivanje</i> | <i>Novembar</i> | Prijedlog zakona priprema se zbog usklađivanja sa standardima Evropske unije. |
| 59. | Prijedlog zakona o izmjenama Zakona o postupku indirektnog oporezivanja | <i>Vijeće ministara BiH Uprava za indirektno oporezivanje</i> | <i>Novembar</i> | Prijedlog zakona priprema se zbog jasnoće pravne norme. |
| 60. | Prijedlog zakona o izmjenama i dopunama Zakona o JRTV sistemu BiH | <i>Vijeće ministara BiH Ministarstvo komunikacija i transporta</i> | <i>Novembar</i> | Prijedlog zakona priprema se zbog usklađivanja Zakona o JRTS BiH sa zakonodavstvom EU. Prijedlog zakona priprema se zbog usklađivanja Zakona sa zakonodavstvom EU. |
| 61. | Prijedlog zakona o izmjenama i dopunama Zakona o JRTV servisu BiH | <i>Vijeće ministara BiH Ministarstvo komunikacija i transporta</i> | <i>Novembar</i> | Prijedlog zakona priprema se zbog usklađivanja Zakona sa zakonodavstvom EU. |
| 62. | Prijedlog zakona o RTV kanalu na hrvatskom jeziku | <i>Vijeće ministara BiH Ministarstvo komunikacija i transporta</i> | <i>Novembar</i> | Prijedlog zakona priprema se u skladu zaključcima Parlamentarne skupštine BiH i Vijeća ministara BiH. |
| 63. | Prijedlog zakona o izmjenama i dopunama Zakona o upravnom postupku | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog usklađivanja Zakona sa zakonodavstvom EU, pozitivnom praksom i obavezama iz SSP MP BiH. |

| | | | | |
|-----|---|---|-----------------|---|
| 64. | Prijedlog zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog usklađivanja Zakona s Preporukama Vijeća Evrope i novim međunarodnim standardima iz oblasti zatvorskog sistema posebno u pogledu određenih prava stranih državljana, razvoju uslovnog otpusta, izvršenje mjera sigurnosti, premještaja zatvorenika u slučaju prekobrojnosti, stranih državljana, privremenog premještaja, saradnje sa službama iz oblasti sigurnosti, medicinske mjere s ciljem spašavanja života lica lišenih slobode koja odbijaju da primaju hranu kao i drugih usklađivanja s postojećom praksom primjene Zakona. |
| 65. | Prijedlog zakona o međunarodnoj pravnoj pomoći u građanskim stvarima | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog reguliranja oblasti međunarodne pravne pomoći u građanskim stvarima. |
| 66. | Prijedlog zakona o denacionalizaciji | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog reguliranja osnova i postupka vraćanja ili naknade za imovinu koja je prinudno oduzeta od 1. 1.1945. zbog realizacije Rezolucije Parlamentarne skupštine Vijeća Evrope broj 1096 (1) donesene na 23. zasjedanju 27. juna 1996. (tačka 10) o mjerama za otklanjanje nasljeđa bivših komunističkih totalitarnih sistema. |
| 67. | Prijedlog zakona o advokaturi | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog međunarodnog predstavljanja advokata BiH, utvrđivanja jedinstvenog kodeksa advokatske etike, jedinstvene tarife i imenika advokata BiH i ispunjavanja uslova za punopravno učlanjenje u Vijeće advokatskih asocijacija i pravnih društava Evrope CCBE. |
| 68. | Prijedlog zakona o izmjenama i dopunama Zakona o parničnom postupku Bosne i Hercegovine | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog usklađivanja zakona s entitetskim zakonima i Zakonom o parničnom postupku Brčko Distrikta BiH i međunarodnim standardima. |
| 69. | Prijedlog zakona o izmjenama i dopunama Zakona o visokom sudskom i tužilačkom vijeću Bosne i Hercegovine | <i>Vijeće ministara BiH Ministarstvo pravde</i> | <i>Decembar</i> | Prijedlog zakona priprema se zbog osiguranja i daljeg jačanja nezavisnog, nepristrasnog i profesionalnog pravosuđa u BiH. |

| | | | | |
|-----|---|---|-----------------|--|
| 70. | Prijedlog zakona o izmjenama i dopunama Zakona o Agenciji za osiguranje u BiH | <i>Vijeće ministara BiH Agencija za osiguranje u BiH</i> | <i>Decembar</i> | Prijedlog zakona priprema se u okviru Twinning projekta BA 07 IB FI 01 zbog usklađivanja sa zakonodavstvom Evropske unije. |
| 71. | Prijedlog zakona o izmjenama i dopunama Zakona o upotrebi i zaštiti znaka Crvenog krsta/križa BiH i naziva Crvenog krsta/križa BiH | <i>Vijeće ministara BiH Ministarstvo za ljudska prava i izbjeglice</i> | <i>Decembar</i> | Prijedlog zakona priprema se na osnovu Inicijative Crvenog krsta/križa BiH u skladu sa smjernicama i Statutom Međunarodnog komiteta Crvenog krsta/križa i Statutom Međunarodne federacije društava Crvenog krsta/križa BiH i dopunskim protokolom Ženevskim konvencijama (Protokol III) iz 2005. godine. |
| 72. | Prijedlog zakona o vrijednosnim papirima Bosne i Hercegovine | <i>Vijeće ministara BiH Ministarstvo finansija i trezora</i> | <i>Decembar</i> | Prijedlog zakona priprema se zbog reguliranja oblasti vrijednosnih papira i osiguranja pravnog osnova za uklanjanje barijera u protoku kapitala i harmonizacije propisa unutar zemlje. Reforma na uspostavi jedinstvenog tržišta kapitala i uspostava državne regulative su od ključnog značaja za razvoj tržišta kapitala. |
| 73. | Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine | <i>Vijeće ministara BiH Ministarstvo finansija i trezora</i> | <i>Decembar</i> | Prijedlog zakona priprema se jer je dosadašnje provođenje Zakona ukazalo na određena ograničenja u procesu upravljanja dugom države, a što, između ostalog, uključuje nepostojanje jasno definiranih granica zaduživanja, načina izvještavanja, evidencija i rokova objavljivanja te potrebe za korekcijama nomotehničkog karaktera itd. |
| 74. | Prijedlog zakona o carinskoj politici | <i>Vijeće ministara BiH Ministarstvo vanjske trgovine i ekonomskih odnosa</i> | <i>Decembar</i> | Prijedlog zakona priprema se zbog usaglašavanja s evropskim standardima. |
| 75. | Prijedlog zakona o izmjenama i dopunama Zakona o zaštiti tajnih podataka | <i>Vijeće ministara BiH Ministarstvo sigurnosti</i> | <i>Decembar</i> | Prijedlog zakona priprema se kao nova inicijativa za usvajanje ranije predloženih izmjena i dopuna Zakona. |

| | | | | |
|-----|--|--|---|---|
| 76. | Prijedlog zakona o odgovornosti za nuklearnu štetu | <i>Vijeće ministara BiH Državna regulatorna agencija za radijacijsku i nuklearnu sigurnost</i> | <i>Decembar</i> | Prijedlog zakona priprema se zbog reguliranja odgovornosti za nuklearnu štetu koja eventualno nastaje kao posljedica korištenja nuklearne energije u mirnodopske svrhe na teritoriji susjednih i drugih država ili na teritoriji BiH. |
| 77. | Prijedlog zakona o elektronskim komunikacijama BiH | <i>Vijeće ministara BiH Ministarstvo komunikacija i transporta</i> | <i>Decembar</i> | Prijedlog zakona priprema se zbog reguliranja novog stanja na tržištu komunikacija, nove tehnologije, novih servisa i usluga, konvergencije tehnologija servisa i usluga, zaštite građanskih prava i imovinsko-pravnih odnosa, Napomena: Aktivnosti na izradi nacrtu zakona bit će započete, ako se odobre planirana sredstva iz DOB-a za period 2012-2014. |
| 78. | Prijedlog zakona o poštama Bosne i Hercegovine | <i>Vijeće ministara BiH Ministarstvo komunikacija i transporta</i> | <i>Decembar</i> | Prijedlog zakona priprema se zbog potreba usklađivanja s Acquis communautaire, preciznijeg definiranja pojedinih odredbi, približavanja procesu postepene liberalizacije, definiranja nadzora, univerzalne usluge i rezerviranog područja u skladu s obavezujućim aktima Svjetske poštanske federacije. |
| 79. | Prijedlog zakona o izmjenama i dopunama Zakona o statistici Bosne i Hercegovine | <i>Vijeće ministara BiH Agencija za statistiku BiH</i> | <i>Dostavljeno Vijeću ministara</i> | Prijedlog zakona priprema se zbog potreba za izmjenama i dopunama Zakona s ciljem usklađivanja s Kodeksom ponašanja evropske statistike (EU/KOM, 2005/217), Kompendijuma statističkih zahtjeva iz 2008. godine i "Prilagođene opće procjene nacionalnog statističkog sistema Bosne i Hercegovine" kao i efikasnijeg provođenja istog zakona i usklađivanja s drugim zakonima Bosne i Hercegovine. |

Zahtjevi za autentičnim tumačenjima koja se nalaze u proceduri u 2012. godini

| | | | |
|--|--|----------------|--|
| 1. Zahtjev za autentično tumačenje člana 9. stav (5) Zakona o prebivalištu i boravištu državljana Bosne i Hercegovine | <i>Vijeće ministara BiH Ministarstvo inostranih poslova</i> | <i>Februar</i> | Zahtjev za autentično tumačenje broj 01,02-50-2-1191/10, od 27.10.2010. , odnosi se na potrebu preciziranja člana 9. stav (5) Zakona o prebivalištu i boravištu državljana Bosne i Hercegovine („Službeni glasnik BiH“, broj 32/01). Stav Vijeća ministara BiH nije stigao. U zakonodavnoj proceduri bio je Prijedlog zakona o izmjenama i dopunama Zakona o prebivalištu i boravištu državljana BiH u kojem je predložena izmjena navedenog člana 9. Zakona. Prijedlog zakona nije usvojen. |
| 2. Zahtjev za autentično tumačenje člana 3. stav (5) Zakona o carinskoj politici Bosne i Hercegovine | <i>Vijeće ministara BiH Ministarstvo inostranih poslova</i> | <i>Februar</i> | Zahtjev za autentično tumačenje broj 01,02-50-2-1191/10, od 27.10.2010., odnosi se na potrebu preciziranja člana 3. stav (5) Zakona o carinskoj politici Bosne i Hercegovine („Službeni glasnik BiH“ br. 57/04,51/06 i 93/08). Stav Vijeća ministara BiH nije stigao. Veza sa Zahtjevom za autentično tumačenje člana 9. stav (5) Zakona o prebivalištu i boravištu državljana Bosne i Hercegovine. |
| 3. Zahtjev za autentično tumačenje člana 4. Zakona o porezu na dodatnu vrijednost | <i>Grad Banja Luka</i> | <i>Februar</i> | Zahtjev za autentično tumačenje broj 01,02/1-0-2-4-49/10, od 18.11.2010., odnosi se na potrebu preciziranja člana 4. Zakona o porezu na dodatnu vrijednost („Službeni glasnik BiH“, br. 9/05,35/05 i 100/08). Stav Vijeća ministara BiH nije stigao. |
| 4. Zahtjev za autentično tumačenje člana 28. Zakona o jedinstvenom matičnom broju | <i>Tuzlanski kanton Ministarstvo unutrašnjih poslova</i> | <i>Mart</i> | Zahtjev za autentično tumačenje broj 01,02-1-351/11, od 9.5.2011., odnosi se na razjašnjenje praktične primjene pravne norme člana 28. Zakona o jedinstvenom matičnom broju („Službeni glasnik BiH“, broj 32/01 i 63/08). U prilogu zahtjeva je odgovor Agencije za identifikacione dokumente, evidenciju i razmjenu podataka BiH. Stav Vijeća ministara BiH nije stigao. |
| 5. Zahtjev za autentično tumačenje Okvirnog zakona o visokom obrazovanju u Bosni i Hercegovini | <i>Kanton Sarajevo Kantonalna uprava za inspeksijske poslove Inspektorat rada...</i> | <i>Mart</i> | Zahtjev za autentično tumačenje broj 01,02-1-610/11, od 23.6.2011., odnosi se na utvrđivanje pravog smisla nedovoljno jasne odredbe člana 32. Okvirnog zakona o visokom obrazovanju u BiH („Službeni glasnik BiH“, broj 57/07 i 59/09). Stav Vijeća ministara BiH nije stigao. |

- | | | | | |
|----|--|---|-------------|---|
| 6. | Zahtjev za autentično tumačenje člana 178. stav (1) Zakona o osnovama sigurnosti saobraćaja na putevima u Bosni i Hercegovini | <i>Kanton Sarajevo Ministarstvo obrazovanja i nauke</i> | <i>Mart</i> | Zahtjev za autentično tumačenje broj 01,02-02-1-648/11, od 24.6.2011., odnosi se na utvrđivanje pravog smisla nedovoljno jasne odredbe člana 178. stav (1) Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, broj 48/10). Stav Vijeća ministara BiH nije stigao. |
| 7. | Zahtjev za autentično tumačenje člana 5. stav (5) Zakona o nestalim licima | <i>Centralna izborna komisija BiH</i> | <i>Mart</i> | Zahtjev za autentično tumačenje broj 01,02-/1-50-2- 1353/10, od 24.6.2011., odnosi se na utvrđivanje pravog smisla nedovoljno jasne odredbe člana 5. stav (5) Zakona o nestalim licima („Službeni glasnik BiH“, broj 50/04). Stav Vijeća ministara BiH nije stigao. Dana 30. 1.2012. primljena je urgencija Republičke organizacije porodica zarobljenih i porodica poginulih i nestalih civila Republike Srpske. |
| 8. | Zahtjev za autentično tumačenje člana 27. stav (2) Zakona o kolektivnom ostvarivanju autorskog i srodnih prava | <i>Kanton Sarajevo Ministarstvo unutrašnjih poslova Uprava policije</i> | <i>Mart</i> | Zahtjev za autentično tumačenje broj 01/1,02/1-02-1-1171/11, od 17.11.2011., odnosi se na razjašnjenje pojma „nadležan organ unutrašnjih poslova“ iz člana 27. stav (2) Zakona o kolektivnom ostvarivanju autorskog i srodnih prava („Službeni glasnik BiH“, broj 63/10). Zahtjev je upućen direktno Ustavnoj komisiji Predstavničkog doma. |
| 9. | Zahtjev za autentično tumačenje člana 28. stav (1) tačka 6) Okvirnog zakona o visokom obrazovanju u Bosni i Hercegovini | <i>Agromediteranski fakultet Mostar</i> | <i>Mart</i> | Zahtjev za autentično tumačenje broj 01/1-02-1-1289/11, od 21.12.2011., odnosi se na razjašnjenje pojma „uspješno mentorstvo“ iz člana 28. stav (1) tačka 6) Okvirnog zakona o visokom obrazovanju u Bosni i Hercegovini („Službeni glasnik BiH“, broj 57/07 i 59/09). Zahtjev je podnesen od neovlaštenog podnosioca i upućen je direktno Ustavnoj komisiji Predstavničkog doma. |

- | | | | | |
|-----|--|--|-------------|--|
| 10. | Zahtjev za autentično tumačenje člana 17. Zakona o Agenciji za prevenciju korupcije i koordinaciju borbe protiv korupcije | Agencija za prevenciju korupcije i koordinaciju borbe protiv korupcije | <i>Mart</i> | Zahtjev za autentično tumačenje broj: 01,02-02-1-1511/11, od 26.12.2012., odnosi se na utvrđivanje pravog smisla nedovoljno jasne odredbe člana 17. stav (1) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj 103/09). Stav Vijeća ministara BiH nije stigao. |
| 11. | Zahtjev za autentično tumačenje odredbe člana 45. stav (1) tačka 7) Okvirnog zakona o visokom obrazovanju u Bosni i Hercegovini | <i>Mineta Grbić</i> | <i>Mart</i> | Zahtjev za autentično tumačenje broj: 01/1-50-3-459/10, od 24.1.2012., odnosi se na pitanje priznavanja stranih diploma i stepena obrazovanja. Zahtjev je podnesen od neovlaštenog podnosioca. Zahtjev je upućen direktno Ustavnompravnoj komisiji Predstavničkog doma. |
| 12. | Zahtjev za autentično tumačenje člana 38. (1) Zakona o međunarodnom i međuentitetskom drumskom prijevozu BiH | Društvo za prevoz i usluge „Gold“ d.o.o. Zenica | <i>Mart</i> | Zahtjev za autentično tumačenje broj: 01/a-02-1-95/12, od 19. 1.2012., odnosi se na pitanje: Ko su nadležni inspekcijski organi entiteta iz člana 38. (1) Zakona o međunarodnom i međuentitetskom putnom prijevozu BiH? („Službeni glasnik BiH“, br. 1/02 i 14/03). Zahtjev je podnesen od neovlaštenog podnosioca. |

Plan aktivnosti u okviru saradnje s Misijom OSCE-a u Bosni i Hercegovini - Odsjek za parlamentarnu podršku i monitoring

- | | | | | |
|----|---------------------------|---|---------|---|
| 1. | Prvo stručno savjetovanje | <i>OSCE</i> Odsjek za parlamentarnu podršku i monitoring | Februar | Tema: Jedinствена pravila za izradu pravnih propisa u BiH |
|----|---------------------------|---|---------|---|

| | | | | |
|----|---|--|---------------|---|
| 2. | Drugo stručno savjetovanje | OSCE Odsjek za parlamentarnu podršku i monitoring | Mart April | Tema: Ustavne promjene u svjetlu EU integracija |
| 3. | Komunikacija s građanima – posjete drugim gradovima | OSCE Odsjek za parlamentarnu podršku i monitoring | Mart Maj | Prva posjeta, Mostar, druga polovina marta Druga posjeta, Banja Luka, druga polovina maja (Izborni zakon) |
| 4. | Konferencija ustavnopravnih komisija iz država s prostora bivše Jugoslavije, prva polovina juna | OSCE Odsjek za parlamentarnu podršku i monitoring | Jun | Organizacija Konferencije treba biti potvrđena. Tema: u skladu s dogovorom između ustavnopravnih komisija oba doma Parlamentarne skupštine BiH i OSCE-a. |
| 5. | Treće Stručno savjetovanje | OSCE Odsjek za parlamentarnu podršku i monitoring | Septembar | |
| 6. | Četvrto stručno savjetovanje | OSCE Odsjek za parlamentarnu podršku i monitoring | Novembar | Tema: u skladu s dogovorom između ustavnopravnih komisija oba doma Parlamentarne skupštine BiH i OSCE-a |

Plan aktivnosti u okviru saradnje sa USAID -ovim Projekatom jačanja parlamenata u BiH

| | | | | |
|----|----------------|----------|-----------|---|
| 1. | Javna rasprava | USAIDBIH | Februar | Prijedlog teme: Prijedlog zakona o besplatnoj pravnoj pomoći |
| 2. | Javna rasprava | USAIDBIH | Maj | Prijedlog teme: Status regulatornih tijela i institucija BiH |
| 3. | Javna rasprava | USAIDBIH | Septembar | Prijedlog teme: Prijedlog zakona o obligacionim odnosima |
| 4. | Javna rasprava | USAIDBIH | Novembar | Prijedlog teme: Prijedlog zakona o izmjenama i dopunama Krivičnog zakona Bosne i Hercegovine |
| 5. | Javna rasprava | USAIDBIH | Decembar | Prijedlog teme: Prijedlog zakona o izmjenama i dopunama Zakona o krivičnom postupku Bosne i Hercegovine |

Plan aktivnosti u okviru saradnje sa Švajcarskom agencijom za razvoj i saradnju (SDC) u BiH

U okviru nastavka saradnje na realizaciji projekata „Pomoći Vlade Švicarske Konfederacije ustavnim promjenama u Bosni i Hercegovini“ planirano je da se neke od tema i radionica koje su realizirane u okviru navedenog projekta rekapituliraju, kako bi novi saziv Parlamentarne skupštine BiH mogao biti upoznat sa iskustvima švicarskog modela „direktne demokratije“.

Planirano je i organiziranje javnih debata s predstavnicima lokalnih organa vlasti kojima bi, kao gosti, prisustvovali poslanici i delegati iz Parlamentarne skupštine BiH. Ove javne debate mogle bi biti organizirane u pojedinim dijelovima Bosne i Hercegovine od Krajine i Semberije na sjeveru do centralne i istočne Bosne i u Hercegovini. Cilj ovih debata bio bi jačanje kulture dijaloga i pronalaženje kompromisnih rješenja o aktuelnim političkim problemima.

Potrebno je konkretizirati plan u dogovoru sa Švicarskom agencijom za razvoj i saradnju (SDC) u BiH.

Razmatranje drugih prijedloga akata u skladu s nadležnostima Ustavnopravne komisije

Ustavnopravna komisija će, u skladu sa svojim nadležnostima, razmatrati prijedloge amandmana na Ustav BiH u vezi s provođenjem presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine, druge prijedloge zakona, zahtjeve Ustavnog suda BiH, izvještaje, informacije, inicijative i ostale akte koje, u skladu s odredbama Poslovnika Predstavničkog doma, dostave poslanici, delegati, nadležne komisije u Parlamentarnoj skupštini BiH i institucije Bosne i Hercegovine.

Plan međunarodnih aktivnosti Ustavnopravne komisije

Planirano je učešće na 2. međunarodnoj konferenciji ustavnopravnih komisija koja će biti održana Berlinu 2012. godine i posjete odgovarajućim komisijama drugih parlamenata u okviru uspostavljene saradnje s Ambasdom Švicarske Konfederacije, Ambasdom Republike Turske, Fondacijom Konrad Adenauer - Predstavništvo u Bosni i Hercegovini. Postoji mogućnost da Ustavnopravna komisija, u saradnji s Misijom OSCE-a u BiH, bude domaćin Regionalne konferencije ustavnopravnih komisija zemalja bivše SFRJ. Također, postoje planovi za nastavak saradnje sa SUNY Univerzitetom iz New Yorka.

**PREDSJEDAVAJUĆI
USTAVNOPRAVNE KOMISIJE**

Šefik Džaferović